

He Ngohe Aromatawai ā-Roto Mō ngā mahi whakamahere anake

Te Ingoa o te Ngohe: He kōwhaiwhai te mahi

Aronga: Toi Ataata 1.1A

Paerewa Paetae: Toi Ataata 1.1

Kaupae: 1

Whiwhinga: 5

He Tohutohu mā te Ākonga

I tēnei ngohe

I tēnei ngohe, ka tuhi pito kōrero koe mō tētahi mahi kōwhaiwhai.

Te horopaki

Ko tāu nā mahi he tuhi pito kōrero mō tētahi mahinga kōwhaiwhai nāu anō i waihanga.

Ka mahi takitahi koe ki te tuhi i tētahi pito kōrero e whakamārama ana i ngā kaupapa/whakaaro/kōrero kei tāu mahi kōwhaiwhai me ngā huānga kua whakamahia hei whakamāori atu i aua kaupapa/whakaaro/kōrero.

Ka aromatawaingia tāu whakaatu māramatanga ki ngā kaupapa/whakaaro/kōrero o tāu mahi kōwhaiwhai.

Hei mahi

Kua ako kē koe i ngā tauira kōwhaiwhai, ngā huānga toi ataata, ngā tukanga toi, tae atu ki te whakarite rauemi/rawa mō ngā mahi kōwhaiwhai. Kua whai tukanga koe ki te waihanga i tētahi mahinga kōwhaiwhai, ā, kua oti tēnei wāhanga o te mahi. Ko te mahi e whai ake nei, ko te tuhi pito kōrero.

Tuhia tāu pito kōrero e hāngai ana ki tāu i mahi ai. Whakaurua ngā kōrero mō te/ngā tauira kōwhaiwhai i kōwhiria e koe, te whakapapa/ngā kōrero e pā ana ki taua tauira kōwhaiwhai, te kaupapa o te mahinga toi me ngā whakaaro o roto, ngā tikanga/tukanga i whaia tae atu ki ngā rauemi/rawa i whakamahia.

Kia tika anō hoki tāu whakamahi i ngā kupu toi ataata hei whakamārama atu i ngā āhuatanga toi.

Kōrero Āpiti

ariā toi ataata	<p>Ko ngā kaupapa/whakaaro/kōrero e noho ana hei tūāpapa mō tētahi mahinga/tikanga toi, i toko ake ai taua mahinga/tikanga toi.</p> <p>Hei tēnei ngohe, ko ngā ariā toi ataata ko ngā kaupapa/whakaaro/kōrero o tāu mahinga kōwhaiwhai.</p>
-----------------	---